

## L'éve

Én Val d'Ousta lé ruze pé l'éve son jamé manquèi. Dedé la conta di neutre ru y a dé quéstchón qué gneunca dé prosè qué y an duó dé siècle son réüssi a rézoudre. Robbà l'éve y ée rétéén én di peu beur tor qu'on pojoe fae. I capitoe finque qué dé fameuille ché fissan pomé prèdjè pé dé-z-àn é dé-z-àn é magà finque pé dé jénérachón.

To so péquè dedé neutra sosiétó l'éve y ée én bièn endispensablo : on l'emplèée pé bée, quezeun-à, fae bouiya é ché lavà, fae martsé la résa é lo molén, pé fae produie la tèra, eun-a di pocca rezourse qu'i y aon lé populachón di montagne.

La plodze y ée jamé proi, surtoù pé lé cretsón é a l'adret ioi i ba lo solèi é la tèra y è vitto sètse.

Pé bonneur la montagne i varde la néi pé to l'iviér é can y aroue lo tsoté ché fon é y emplèi lé torón.

Pé possèi l'émplèé, la fae areà ioi qué oun a manca, lleu va dé travail, d'organizachón. Fo nen avèi dé chouèn. Oèi, péquè l'éve si on la gueudèi po i poreu fae dé greu dan.

Si tracas, bièn cougnù di Valdotèn, y è itó rézolù én fièn lé ru. Dé adón bièn d'éve y è passèi dézò neutre pon...

L'éve, qu'on dèi émplèé avoué d'échè è jamé l'abadà, magré lé té i fissan tsandzé, y a tedzor an greusa valeur, surtoù pé sisse qu'i continuoun a cultivà la campagne.



lo gnalèi



Région Autonome  
Vallée d'Aoste  
Regione Autonoma  
Valle d'Aosta

Assessorat de l'Éducation  
et de la Culture  
Assessorato Istruzione  
e Cultura

### Tiré de :

Texte écrit par Lidia Philippot et Alexis Bétemps

Texte publié en 2015 sur « Nouvelles de Verrayes » - Commune de Verrayes

Collaborateur de Verrayes pour la traduction : Selena Cignetti

La transcription a été soignée par le Guichet Linguistique

Mise à jour de la graphie : octobre 2013